

635. Aidanus ordinatur episcopus Lindisfarnensi ecclesie et Kynegils baptizatur a Birino episcopo; quem Oswaldus rex suscepit de fonte.
637. Heraclonas imperavit annis II.
639. Constantinus frater Heraclonae imperavit mensibus VI.
640. Constantinus filius Constantini imperavit XXVIII. Erconbertus apud Cantuarios regnavit.
642. Oswaldus rex occiditur a Penda in Maserfeld ad australem plagam Humbre.
643. Oswiu frater Oswaldi regnavit XXIX annis. Cenwalch in Wessaxa regnavit XXXI annis. Ipse construxit monasterium in Wenta civitate. Paulinus episcopus in Hrouet obiit. Et Oswinus filius Osrici super Deiros regnavit annis VII.

f. 19^v

646. Cenwalch rex Wessaxae baptizatur.
649. Wilfridus intravit ecclesiam Lindisfarnensem.
651. Oswinus rex occiditur et Aidanus episcopus Lindisfarnensis obiit. Beatus Cuthbertus ingreditur Mailrosense monasterium.
653. Middelangli suscipiunt fidem sub Peada g).
654. Anna rex occiditur.
655. Vitalianus papa annis XIII mensibus VI. Penda occisus est ab Oswiu. Mercii fiunt Christiani.
660. Finan episcopus Lindisfarnensis obiit. Cui Colmanus successit III annis.
664. Facta est apud Streoneshalch quaestio de observantia paschali. Colman revertitur Scotiam; cui Tuda succedit et eodem anno moritur. Committitur interim ecclesia Lindisfarnensis Eatano abbati, ubi sanctus Cuthbertus constituitur prior. Wilfridus ordinatur episcopus. Ceadda ordinatur episcopus, set redeunte Wilfrido deponitur.
665. Oswiu rex et Ecgbert rex Cantuariorum Wihardum miserunt Romam ad ordinandum sibi episcopum, set morte praeventus est.
668. Theodorus a Vitaliano papa ordinatur episcopus genti Anglorum.
669. Theodorus venit Britanniam.
670. Constantinus filius Constantini superioris imperavit XVII annis. Oswiu rex moritur. Cui filius suus Ecgfridus succedens regnavit XV annis.
672. Cenwalch rex Wessaxae h) obiit et post eum Sexburch regnavit I anno.
674. Benedictus cepit monasterium ad Weremuda. Escwine regnavit super Wessaxa II annis.

g) Peada *anscheinend während der Niederschrift korr. aus* Penda.

h) rex Wess' *über der Zeile nachgetragen.*